

Ո Ր ՈՇ ՈՒ Մ


Վարչական իրավախախտման գործով զանգատն առանց բավարարման, իսկ որոշումն անփոփոխ թողնելու մասին

25.12.2017թ.

ք.Երևան

Ճանապարհային ոստիկանության պետ, ոստիկանության գնդապետ Եգոր Կարապետյան,
վերանայելով Գրիգոր Գրիգորյանի դիմումի շուրջ ստեղծված նյութերը,

Պ Ա Ր Զ Ե Ց Ի



2017թ. դեկտեմբերի 5-ին Երևան քաղաքի Խաչկուլի պողոտայի 46 շենքի 15 բնակարանի բնակիչ Գ.Գրիգորյանը դիմել է այն մասին, որ ստացել է վարչական տույժ նշանակելու մասին ԱԴ 471448 որոշումը, որի հետ համաձայն չէ, քանի որ իրեն չի ներկայացվել իրավախախտման տեսագրությամբ: Դիմումատուն խնդրել է վերանայել իր նկատմամբ կայացված վարչական տույժ նշանակելու մասին ԱԴ 471448 որոշումը:

Դիմումի ուսումնասիրությամբ պարզվել է, որ 2017թ. նոյեմբերի 29-ին, ժամը 20:25-ին Տիգրան Մեծի պողոտայում Գ.Գրիգորյանի կողմից վարած «Միցուբիշի» մակնիշի 34 TN 377 հաշվառման համարանիշի ավտոմոբիլը կանգնեցվել է ճանապարհային ոստիկանության ԳՊԾ 1-ին սպայական գումարտակի 6-րդ սպայական դասակի տեսուչներ, ոստիկանության կապիտաններ Վ.Վիրաբյանի և Զ.Գյուլումյանի կողմից ճեկ-ի խախտման համար, այն է՝ վարորդը երթևեկել է տվյալ գոտու համար գծանշմամբ չթույլատրված ուղղությամբ: Վարորդի նկատմամբ կազմվել է Վարչական իրավախախտման վերաբերյալ արձանագրություն և համաձայն ՀՀ ՎԻՎ օր-ի 124-րդ հոդվածի 1-ին մասի կայացվել ԱԴ 471448 որոշումը՝ վերջինիս 5.000 դրամ տուգանելու մասին:

Ըստ տեսուչների գրավոր բացատրությունների՝ նշված իրավախախտումը հայտնաբերելուց հետո, սահմանված կարգով կանգնեցրել են Գ.Գրիգորյանի կողմից վարած «Միցուբիշի» մակնիշի 34 TN 377 հաշվառման համարանիշի ավտոմոբիլը, Վ.Վիրաբյանը մոտեցել է վարորդին, պարզաբանել իրավախախտման բնույթը, պահանջել փաստաթղթերը և վերջինիս նկատմամբ կազմել համապատասխան արձանագրություն: Վարորդը ծանոթացել է կազմված արձանագրությանը, իրեն հատկացված տեղում գրավոր հայտնել իր անհամաձայնության մասին, ստորագրել այն, այնուհետև ստորագրել և տեղում ստացել է որոշման պատճենը: Տեսուչները գրավոր բացատրություններով հայտնել են նաև, որ վարորդի կողմից թույլ տրված իրավախախտումն եղել է՝ ակնհայտ, իրենց համար պարզ տեսանելի: Տեսուչները գրավոր բացատրություններով հայտնել են նաև, որ վարորդը «Երթևեկությունը միայն ուղիղ» նշանի ազդման գոտուց կատարել է ծախ շրջադարձ:

2017թ. դեկտեմբերի 19-ին հեռախոսակապի միջոցով իր դիմումի քննարկմանը մասնակցելու նպատակով քաղ. Գ.Գրիգորյանը հրավիրվել է ճանապարհային ոստիկանության ԳՊԾ բաժին, սակայն վերջինս հայտնել է, որ դիմումին ավելացնելու ոչինչ չունի, խնդրել է քննարկել և արդյունքների մասին տալ գրավոր պատասխան:

<<Ճանապարհային երթևեկության անվտանգության ապահովման մասին>> ՀՀ օրենքի 17-րդ հոդվածի համաձայն՝ ճանապարհային երթևեկությունը կարգավորող ոստիկանության ծառայողը պարտավոր է կանգնեցնել տրանսպորտային միջոցը, եթե ակնհայտ կամ տրեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների պահանջները: Նույն հոդվածի 8-րդ մասի համաձայն՝ երթևեկության սահմանված արագության գերազանցման և տրանսպորտային միջոցների ապակիների լուսաթափանցելիության սահմանված չափի խախտումների համար

27-12-17

77-2-34292

պատասխանատվություն է առաջանում, երբ տվյալ խախտումը փաստարկված է համապատասխան տեխնիկական միջոցների կիրառմամբ:

Այսպիսով, կատարված ուսումնասիրություններով պարզվել է, որ Գ.Գրիգորյանի արարքում առկա է վարչական իրավախախտումների վերաբերյալ ՀՀ օրենսգրքի 124-րդ հոդվածի 1-ին մասով նախատեսված դեպքը, ուստի, ելնելով վերոգրյալից և ղեկավարվելով վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով,

Ո Ր Ո Շ Ե Ց Ի՝

1. Գրիգոր Գրիգորյանի դիմումը թողնել առանց բավարարման, իսկ ճանապարհային ոստիկանության ՃՊԾ 1-ին սպայական գումարտակի 16-րդ սպայական դասակի տեսուչ, ոստիկանության կապիտան Վ.Վիրաբյանի կողմից կազմված վարչական իրավախախտման արձանագրության հիման վրա 2017թ. նոյեմբերի 11-ին կայացված ԱԴ 471448 որոշումը՝ Գրիգոր Գրիգորյանին հինգ հազար դրամ տուգանելու մասին՝ անփոփոխ:
2. Սույն որոշման օրինակներն ուղարկել ճանապարհային ոստիկանության ՎԳ բաժանմունք և դիմումատուին:
3. Սույն որոշումը կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:



Ե. Կարապետյան